

Na osnovu člana 10. stav 5. i 84. tačka 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

NAREDBU

O OGRANIČAVANJU PROMETA I KRETANJA GOVEDA, OVACA I KOZA U BOSNI I HERCEGOVINI

(Objavljeno u "Sl. glasnik BiH", br. 47 od 10 juna 2008)

Član 1.

1. Radi sprječavanja širenja zarazne bolesti bruceloze promet goveda, ovaca i koza na području Bosne i Hercegovine može se odvijati samo:
 - a) ako se prijevoz-promet vrši prijevoznim-prometnim sredstvima,
 - b) ako životinje imaju uvjerenja o zdravstvenom stanju životinja i ako su obilježene ušnim markicama (za goveda propisane jedinstvene za cijelu BiH, u skladu sa Pravilnikom za označavanje životinja i šemi kontrole kretanja životinja u Bosni i Hercegovini ("Službeni glasnik BiH, broj 28/03), a za ovce i koze odobrene od strane nadležnog organa entiteta i Brčko Distrikta BiH), i
 - c) ako ovce i koze imaju rješenje nadležnog veterinarskog inspektora o statusu posjeda sa kojeg životinje potiču.
2. Kretanje (vlastitim nogama, odnosno sezonska ispaša) goveda, ovaca i koza omogućena je samo na teritoriji općine boravka životinja uz provođenje propisanih veterinarskih mjera za navedene životinje.

Član 2.

1. Na životinje koje se nađu izvan stalnog mjesta boravka bez dokumentacije navedene u članu 1. stav 1., primijenit će se sljedeće mjere:
 - a) sve zatečene životinje podvrgnuti karantinskom tretmanu u terenskim uslovima (ograding ih ili dovesti u najbliže uslove za sprovođenje karantinskih mjera),
 - b) sve životinje dijagnostički pretražiti na brucelozu.
2. Životinje za koje se utvrdi da su sero-negativne bit će upućene u mjesto stalnog boravka isključivo prijevoznim-prometnim sredstvima uz izvještaj nadležnog veterinarskog inspektora o provedenim dijagnostičkim pretragama, a sero-pozitivne životinje uništiti će se neškodljivo ili ekonomski iskoristiti u skladu sa važećim propisima.
3. Vađenje krvi vršit će veterinarska organizacija na čijem su epizotiloškom području životinje zatečene.
4. Troškove nastale provođenjem propisanih aktivnosti u ovoj Naredbi snosi vlasnik životinja.

Član 3.

1. Otpremanje životinja na klanje može se obavljati samo ako pošiljku prati:
 - a) uvjerenje o zdravstvenom stanju životinja kojim se potvrđuje da su životinje zdrave, da ne potiču sa imanja na kojem vlada zarazna bolest koja se može prenijeti sa predmetnim životinjama i da su na životinjama sprovedene sve propisane zdravstvene mjere,
 - b) VS obrazac u kojem nadležni veterinarski inspektor, pored ostalog obavezno navodi registarski broj prometnog sredstva, datum i vrijeme utovara i podatke o klaonici na koju se životinje otpremaju, i
 - c) potvrdu nadležne veterinarske organizacije da je prije utovara izvršeno čišćenje, pranje i dezinficiranje prijevoznog- prometnog sredstva.
2. Subjekti koji vrše pečenje jagnjadi i jaradi za vlastite ugostiteljske potrebe ili za treća lica moraju prethodno izvršiti klanje jagnjadi i jaradi u registriranim klaonicama i o tome posjedovati dokumentaciju izdatu od nadležnog veterinarskog inspektora i otpremnicu sa fakturom izdatom od

klaonice. Na trupovima zaklanih jagnjadi i jaradi mora biti veterinarski žig na kojem se jasno vide tekst i broj kao i datum klanja životinje.

Član 4.

Odredbe ove Naredbe ne odnose se na pošiljke životinja iz uvoza koje moraju zadovoljavati posebne uslove propisane Odlukom o uslovima uvoza i provoza živih životinja, proizvoda i namirnica životinjskog porijekla, lijekova, stočne hrane i otpadaka u Bosnu i Hercegovinu ("Službeni glasnik BiH", broj 17/04) i Rješenja o nepostojanju veterinarsko-zdravstvenih smetnji za uvoz koje izdaje Ured za veterinarstvo BiH.

V

1. Nepoštovanje odredbi ove Naredbe kažnjivo je po čl. 93. do 97. Zakona o veterinarstvu u Bosni i Hercegovini ("Službeni glasnik BiH", broj 34/02).
2. Nadležna veterinarska inspekcija u Republici Srpskoj, Federaciji BiH i Brčko Distriktu BiH obavezna je osigurati provođenje odredbi ove Naredbe.

VI

Ova Naredba stupa na snagu danom donošenja, a objavit će se u "Službenom glasniku BiH".
Broj 01-1-02-519/08
24. aprila 2008. godine Sarajevo
Direktor dr. sc. Drago N. Nedić, s. r.